



Sel Prestuhn Thomas S. Monson

“Nga Fah Tiac Fahsr Liki Kom, Ac Nga Ac Fah Wi Kom Pacl E Nuh Kwewa”

Pahpah tuhmasr Inkuhsrao . . .El etuh lah kuht lutlutkihn ac kapwack ac fokokoi ke kuht ohsun ac kuhtanglah pacl upac ma kuht enenuh in som ahlukkwelah.

Ke mwe sihm luhk ofong uh, nga ac sihmihs, “Pa inge sie toeni ma mokleyuck emet ke kuh-twena toeni luhlahp nga wi kac. Ma nuh kwewa kac arulacna wo ac ke ohiyacn nguhn.”

Tamuhlwel ac tahmtahel, mah-lwem itkohsr somlah ah ke kuht ohsun ke toeni luhlahp lasr uh, muhtwacn sacohk kiyuck, Frances, el oan lohm ono ah, kweokihn puhtat upac se lal ke lwen ekahsr met ah. Ke Mei, tukun wik se ke el srihke yohk in w-lac ke kweok lal, el som nuh yen ma pahpaht. Nga ahsrwellah yohk. Nga El pahyuckyak ke Tempuhl Salt Lake ke Ohktohp 7, 1948. Luhkuhn lutu ac oruh lusen yac ahk 65 kuht pah-yuck. El pa luhngse luhn moul luhk uh, muhtwacn luhlahlfongi kiyuck, ac

kawuck fototo se emet luhk. In fahk lah nga ahsrwellah tiac fal in ahkkahlwemye puhla loal luhk.

Toeni se inge akikhlenyac lusen yac 50 ke nga pahngonyuck nuh ke U luhn Mwet Sap Singucul Luo sel Prestuhn David O. McKay. Yac pucspucs nuh mihsenge wacngihn ma nga puhla sahyacn karihngihnyuck wowo luhn muhtwacn sacohk kiyuck. Yohk pac kihsackuhnlah el oruh nga in muh kuh in ahkfalye pahng luhk. Wacngihn pacl nga lohng tohrkaks-kahs sel ke nga enenweyuck in som ke lwen ekahsr ac kuhtuh pacl wik ekahsr luhkwel ac tuhlihk nahtuhsr. El pa lihpufacn se, na pwacye.

Nga ke ahkfuhlwactye kuloh luhk, oacna sin sucu luhk, ke ahkkahlwe-meyeyuck luhn luhngse ma tuhkuh

nuh sesr tukun Frances el misac. Card ac lwacta foko suhpweyuckme ma tuhkuh fin facluh nohfohn ac ahkkahlwemye kaksyakihnyacl ac luhng lalos nuh sin sucu lasr. Kuht eis ros kahto orekweni pucspucs. Kuht kuloh ke mwe sang puhkantwen ma ituckyang ke inel nuh ke General Missionary Fund luhn Alu uh. In tah-fwekuhtlac suc muhta inge, nga ahk-kahlwemye kuloh loal ke kuhlhwacng ac fahkwack luhn luhngse lowos.

Ma ahkkweyeyuck emet nuh sihk ke pacl in fahsrelihk an pa fahkwack luhlahlfongi luhk nuh ke wosacus luhn Jisus Kraist ac etuh luhk lah Frances sacohk luhk el srwackna moul. Nga etuh lah fahsrelihk lasr uh ma nuh ke kihtin pacl. Kuht siliyuck ke lohm sin God sin sie suc oasr kuh in kapriyac ma ke facluh ac inkuhsrao. Nga etuh lah kuht ac sulpac ohsun sie lwen ac wacngihn pacl kuht ac sulpac fahsrelihk. Pa inge mwe etuh suc ahkkweyeyuclac.

Tamuhlwel ac tahmtahel, nga muh wona in nuhkuh lah wacngihn mwet moul ac tiac kweok ac ahsor, oacyacpac wacngihn pacl ke sram-sram mahtuh ma tiac akacsruhi pacl upac luhlahp ac mwe ahsor.

Ke inkacnek luhn moul forlah nuh ke ma upac, oasr mwe sruhf in siyuck kihsen siyuck “Efuh nga?” Kuhtuh pacl uh luhman oacna in wacngihn kahlwem ke sahflahiyacn tunnel uh, kuh wacngihn faht tohlwack lohsr luhn fong uh. Kuht puhla sesseslah ke suhpwacr luhn mweme tiac fahlac ac ahsor yohk ke finsrak wacngihnlac. Kuht welah in fahk siyuck se ke pwacpuhl uh, “Yac wacngihn ono in Gilead?”¹ Kuht puhla tuhlah, ahsor,

ac muhkahimtacl. Kuht kwacna liye koluk ohiyac lasr sifacna ke ohiyac suhfal uh. Kuht semuhtweng nuh ke top ke elyah lasr uh, muhлкуhnlah lah ohiyacn mong fihswacsr luhn inkuhsrao enenweyuck pacl puhkantwen.

Ma upac ma tuhkuh nuh sesr ahkkahlwemye nuh sesr srihfeyuck pwacye in liye kuht fin kuh in kampare. Oasr kihsen siyuck fihswacsr ma kais sie sesr enenuh in topuk: Nga ac puhtatlac, kuh nga ac ahksahfyelah? Oasr kuhtuh suc puhtatlac ke elos sifacna konwacack lah elos tiac kuh in eslah ma upac lalos. In ahksahfye mwe enenuh muhtweng nuh ke sahflah luhn moult.

Ke kuht motko ke ma sikyak ma kuh in sikyak nuh sesr nohfohn, kuht kuh in fahk kacl Job pacl mahtuh ah, "Mwet uh sifacna orwacalah mwe lokoalok."² Job el "arulacna inse pwacye" mukul se suc "alu nuh sin God, . . . [ac] tiac oruh kuhtwena ma koluk."³ Suwohswohs ke mukwikwi lal, orwacalah wo ke ma lal, Job el sun sikeng se ma kuh in kuhnaoslah kuhtwena mwet. Ma lal nuh kwewa tuhlah, ahkkolukyeyuck sin kawuck lal, kweok ke ma upac lal, ahsor na pwacye ke sucu lal tuhlah, el srihfeyuck in "selngawi God ac misac."⁴ El som liki mwe sruh inge ac fahkwack ke acn loal luhn nguhal:

"Ahok pwacyena, oasr mwet se inkuhsrao suc ac fah tuyak wiyuc lac, ac kahsrweyuc."⁵

"Nga etuh lah mwet in molwelah luhk el moult."⁶

Job el karihngihn luhlalfongi. Na kuht ac oruh oacna sie ke kuht sun nuh ke ma upac ma fah ma na lasr?

Kuhtwena pacl kuht puhla yohk ke ma toasr luhn moult uh, lwelah kuht in esam lah mwet sahyac uh som ke inkacnek soko pacna ingacn, muhtwacnglah, na kuhtanglah.

Sramsram mahtuh ke Alu se inge, ke fihl in pacl ke fohnlah luhn pacl uh, sesseslah ke mukwikwi luhn mwet suc kweok ac oaru nuh ke ma wo ac ohiyacn engan. Srihpac an? Elos oruh in sang wosasuc luhn Jisus

Kraist nuh ke infulwacn moult lalos. Ma inge pa ma fah kahsrwe kuht ke kuhtwena ma upac tuhkuh nuh sesr. Kuht fah srwackna puhlakihn ma elyah upac uh, tuhsruhkuht fah kuh in sun ma ingacn, in puhlaik in lain, ac in kuhtanglah.

Ke mwe oan luhn kweok, ke ilul sroksrok ke sronin muhta, kuht sruhkwack nuh lucng ke mokleyuck wolacna ac uli sacohk: "Nga fah tiac fahsr liki kom ac nga ac fah wi kom pacl ac nuh kwewa."⁷ Ahkkweyeyuck inge yohk molo.

Ke nga forfor ke acn pucspucs fin facluh in ahkfalye kunohkohn luhk uh, nga etwacalah ma pucspucs—wi pac lah mwe ahsor ac kweok oasr acn nuh kwewa. Nga tiac kuh in muhtwacwacack in ahkuhtweyac mwe ahsor ac kweok nga liye ke nga muhtwacta yurin mwet suc oasr ahsor, wi mas, fahsrelihke ke pahyuck la, srihke in kahsrhuh tuhlihke nahtuh suc puhtatlac, kuh kweok ke ma sikyak tukun elos oruh ma koluk. Tahk se inge tiac tui, mweyen oasr elyah puhkantwen ma kuh in tuhkuh nuh sesr. In srwelah sie mwe srihkasrak uh upac, na ke nga nuhnkuh ke ma upac, nuhnak luhk forlah nuh sel Tamuhlwel Brems, sie sin tuhlihke mukul ke Sacnri Skul ke nga fuhsr ah. El pa mempucr oaru ke Alu uh, mukul se ke inse pwacye. El ac muhtwacn kiyac, Sadie, nahtuh tuhlihke oakosr, puhs selos wi matwac oacna sie ke sucu lasr.

Tukun nga ac Frances pahyuckyak ac som liki ward an, kuht liyac Tamuhlwel ac Tahmtahel Brems ac mempucr ke sucu lalos ke macruht ac mas an, oacyacpac ke sulpac tuhkweni luhn ward.

Ke yac 1968, muhtwacn kiyac Tamuhlwel Brems, Sadie, el misac. Tuhlihke luo nahtuhl oacyacpac misac ke yac somlah tohkoh.

Sie lwen ke apkuhran nuh ke yac 13 somlah ah, tuhlihke muhtwacn nuhtin nahtuhl pahngonyuc. El ahkuhtweyac lah pahpah mahtuh tuhmwacl el sun yac 105 lal. El fahk, "El muhta ke lohmi in karihngihn mwet mahtuh

srihsrihk tuhsruhktuh el ohsun yurin sucu lal nohfohn ke kais sie Sacnri, na el sang sie lesin ke wosasuc." El tahfwelah, "Sacnri tari ah Pahpah el fahkwack nuh sesr, 'Mwet wiyuck, nga ac misac ke wik se inge. Nuahnak muhnahs pahnglol Tommy Monson. El ac etuh ma el ac oruh uh.'"

Nga som muhtwacta yohrohl Tamuhlwel Brems ke ekuh sena tok ah. Nga tiac sonol ke pacl loes. Nga tiac kuh in sramsram nuh sel, mweyen el sohlohngkachs. Nga tiac kuh in sihmihs sie pweng nuh sel elan riti, mweyen el tiac kuh in liye. Fwackyuck nuh sihk lah sucu lal sramsram nuh sel in orekmakihn kufun polacyot lal ac sihmihs inen mwet muhtwacta lun polacsac lal. Kuhtwena pweng enenuh in sikyak ohinge. Nga ukwe ohiyac sacn in eis kufun pahol ac sihmihs T-O-M-M-Y M-O-N-S-O-N, ine se el etweyuc kac. Tamuhlwel Brems el rahrahlah, ac sruok pouk, ac fihliyac ke insifacl. Nga etuh kena lal pa in eis mwe insewowo luhn pristut. Mwet in wiwac se ma usyuc ah wiyuc ke kuht sang pahosr nuh ke insifacl Tamuhlwel Brems ac sang sie mwe insewowo el kena ah. Tohkohyang, sronin muhta uh kahkkahklac siskacn muhtah ma tiac kuh in liye lal. El sruohkwacni pahosr ke sruikihn. Finne el tiac lohng mwe insewowo kuht sang nuh sel, Nguhn uh fokoko na pwacye, ac nga luhlalfongi lah el mokleyuck in etuh ma kuht sang ke mwe insewowo el enenuh. Mwet wolacna se inge tiac kuh in liye. El tiac kuh in lohng. El muhta ke infuckihl srihk ke lwen ac fong lun lohmi se ingacn. Tuhsruhktuh isracrs srihsrihk ke muhtahl ac kachs el fahk ah fakihsyac insiyuck. "Kuloh," el fahk. "Pahpah tuhmuhk Inkuhsrao El karihngihnyuc wo."

Ke wik sacn, oacna ke Tamuhlwel Brems el palyeack ah, el misac. Wacngihn pacl el nuhnkuh yohk ke ma wacngihn lal; Ke ohiyac sahyac, el kulohkihn yohk pacl nuh kwewa ke mwe insewowo pucspucs lal.

Pahpah tuhmasr Inkuhsrao, suc use nuh sesr ma pucspucs in

engankihn, El oacyacpac etuh lah kuht lotwelah ac ahkfokokoyeyuck ke kuht ohsun ac kuhtanglah pacl upac ma kuht enenuh in som ah-luhkwelah. Kuht etuh lah oasr pacl ke kuht fah puhlakihn pacl upac, ke kuht ac ahsor, ac ke kuht srihfeyuck nuh ke kuhiyacsr. Tuhsruhktuh, ma upac inge oruh kuht in eklac nuh ke ma wo, in ahksasucye moul lasr ke ohiyac Pahpah tuhmasr Inkuhsrao El luti kuht, ac in eklac nuh ke mwet sahyac ma kuht oacna ingena—wo liki kuht met ah, yohk kahlwem liki met ah, yohk luhngse pwacye liki met ah, ke fahkwack luhlalhfongi fokoko liki met ah.

Enenuh in pa inge srihpac lasr uh—in muhtweng ac kampare, ahok, tuh oacyacpac in ahkwoye ke ip luhn nguhn ke kuht tuhpaallah kahlwem ac ahsor. Fin wacngihn ma upac in kuh-tanglah ac elyah in ahkwoye, kuht ac tiac eklac, ke wacngihn kuh srihklac kapkapwack nuh ke finsrak lasr luhn moul ma pahtpaht yurin God. Mwet sihm pohloh sramsram sac ahkkah-lwemye ma inge ke kabs inge:

*Sahk wowo uh tiac kapwack ke
ohiyac fihswacsr;
Upaciyen eng uh, fokokoi luhn
sahk uh.*

*In sun acn lucng, sahk soko ac
kapwack loes,
Yohkiyacn pahkah uh, fokokoi liki
met ah.
Ke faht ac ohyohu, ke af ac snow,
Ke sahk ac mwet, sahk wowo uh
kapwack.⁸*

Mwet Luti sefanna El etuh ma loal ke srihfeyuck lasr, ngal lasr, ac kweok lasr. El sifacna kuh in sang mihsalac ma pahtpaht ke pacl ma upac. El puhsrallah muhkwenana nguhna kweok lasr ke kabs in kabsruh Lal:

“Fahsruh nuh yuruk, kowos suc orekma ac tohtohlah, tuh nga fah usot monglac nuh suwos.

“Eis srenenuh luhk nuh fowos ac lutlut sihk, tuh nga fakpahp ac inse puhsisacl; ac kowos fah konwacack monglac.

“Tuh srenenuh luhk fihsracsr, ac mwe utuck luhk muhlalah.”⁹

Finne pacl wo emet kuh koluk emet uh, El wi kuht. El olwelah tari lah ma inge tiac kuh in eklac.

Tamuhlwel ac tahmtahel wiyuck an, lwelah in oasr otwelah lasr nuh sin Pahpah tuhmasr Inkuhsrao ma tiac eklac ke pacl kuh ma upac ke moul lasr uh. Kuht tiac enenuh in puhlakihn ma upac nuh sesr in Esamuhl, ac kuht tiac enenuh in

pahtokyuck in inse puhsisacl met liki kuht sang luhlalhfongi lasr nuh Sel.

Lwelah kuht in oaru in ahkfoto-toye kuht nuh sin Pahpah tuhmasr Inkuhsrao. In oruh ohinge, kuht enenuh in pruhe nuh Sel ac Ukwacel lwen nuh kwewa. Kuht Enenwacel na pwacye ke pacl nuh kwewa, finne oa ke faht kuh af. Lwelah olwelah Lal in karihngihn kuht: “Nga fah tiac fahsr liki kom, ac nga ac fah wi kom pacl e nuh kwewa.”¹⁰

Ke kuh nuh kwewa ke nguhnihk, nga fahkwack lah God El moul ac luhngse kuht, lah Wen Kuloh Sefanna Nahtuhl moul ac misac kacsr, ac lah wosasuc luhn Jisus Kraist pa kahlwem ma ahkkahlwemye tuhpaallah luhn lohser ke moul lasr. Lwelah in oruh ohinge, nga pruhe ke ine muhtahl luhn Jisus Kraist, amen.

MWE KAHSRUH

1. Liye Jeremiah 8:22.
2. Liye Job 5:7.
3. Liye Job 1:1.
4. Liye Job 2:9.
5. Liye Job 16:19.
6. Liye Job 19:25.
7. Liye Joshua 1:5.
8. Douglas Malloch, “Good Timber,” ke Sterling W. Sill, *Making the Most of Yourself* (1971), 23.
9. Liye Mattu 11:28–30.
10. Liye Joshua 1:5.

Luti ke Pacl Lasr uh

Lesin luhn Melchizedek Pristut ac U luhn Muhtwacn in Kahsruh ke Sacnri ahkahkosr uh tuhfeh orek ke “Teaching for Our Time.” Kais sie lesin kuh in ahkoeyucklac ke soko sramsram kuh in puhs liki ma orek ke toeni luhlahp ma tuhfehna tari ah. (liye atacn tahk se ten an). Prestuhn luhn stek ac tistrik kuh in sulaclah sramsram ma in orekmakihnyuck uh, kuh elos kuh in sang kunohkohn se inge nuh sel pisap ac prestuhn luhn pracns. Mwet kol uh enenuh in ahkkahlwemye yohk srihpen mukul ke Melchizedek Pristut ac tahmtahel ke U luhn Muhtwacn in Kahsruh lutlutkihn sramsram sepacna ke Sacnri sepacna.

Elos suc wi lesin ke Sacnri-ahkahkosr ah ahkkweyeyuck in lutlutkihn ac use nuh ke kuhlals mackuhsin ke toeni luhlahp ma tuhfehna orek uh.

Ma tohuyak nuh ke ahkoeyacn Lesin se ke Sramsram uh

Pruhe tuh Nguhn Muhtahl fah wi kowos ke kowos e lutlutkihn ac luti sramsram (uh). Kowos kuh

in srihfeyuck in orekmakihn kuhfa sahyac in ahko lesin an, tuhsruhk sramsram ke toeni uh pa ohi-yacn luti se ma ahkkweyeyucklac uh. Kunohkohn lowos an pa in kahsruh mwet sahyac in etuh ac moulkihn wosasuc uh ke lutiuyck ke toeni luhlahp luhn Alu uh ma tuhfehna orek uh.

Sifil liye sramsram (uh), liye ke ip yohk ac mwe luti ma sun enenuh luhn mwet ke kuhlals an. Suk pac ke pohloh sramsram, ma kahlwem ke ma suhmuhslah, ac pohloh fahk ke sramsram (uh) ma ac fah kahsrwe kowos luti ma pwacye uh.

Oruh sie tahk an ke ohiyacn luti ke ip yohk ac mwe luti uh. Nuhnkuh in sang kihsen siyuck ma kahsruh mwet ke kuhlals an:

- Suk ke ip yohk ac mwe luti ke sramsram (uh).
- Nuhnkuh ke kalmeyac lalos.
- Akacsruhi ke etuh, mwe nuhnak, ma puhlakihnyuck, ac fahkwack luhlalhfongi an.
- Orekmakihn ip yohk inge ac mwe luti uh ke moullalos an.

MAHLWEM MA LESIN UH LUTUYUCK	KUHFA LUHN LESIN KE SACNRI-AHKAHKOSR
Ohktohpa 2013–Eprel 2014	Sramsram oreklac ke toeni luhlahp ke Ohktohpa 2013*
Eprel 2014–Ohktohpa 2014	Sramsram oreklac ke toeni luhlahp ke Eprel 2014*

**Nuh ke lesin ke Sacnri ahkahkosr ke Eprel ac Ohktohpa an, sramsram (uh) kuh in sulohsohllah ke toeni orek met ah kuh ke ma tuhfehna tari ah. Sramsram uh oasr ke kain kahs pucspucs ke conference.lds.org.*



Sel Prestuhn Dieter F. Uchtdorf
Mwet in Kahsruh Ahkluo ke Prestuhnsi Se Met

Fahsruh, Wi Kuht

Finne ke ohiyac sikyak lowos an, ma mahtuh ke moul lowos an sifacna, kuh kuhiyacn fahkwack luhlalhfongi lowos an, oasr na acn suwos ke Alu se inge.

Sie pacl ah oasr sie mukul suc mwemekihn muh el oasr lun infuckihl luhlahp se ma alu nuh kwewa fin facluh tuhkweni we. El akikhlen muh ke kais sie alu uh oasr ma yohk kac ma luhman mwelyuck ac sekoeyuck.

El ohsun nuh sin sie siacnyacn suc ahol Alu luhn Jisus Kraist luhn Mwet Luhlahlfongi ke Lwen-sahflah ac el siyuck, “Meac *kowos* sapkihn sin mempucr lowos an?”

“*Kuht* tiacna sapkihn kuhtwena ma,” elos topuk. “Tuh *Leum* El siyuck kuht in ahkmuhtahlye ma nuh kwewa.”

Siacnyacn sac tahfwelah in ahkuhtweyiac kunohkohn luhn Alu uh, forfor luti ac luti in sucu, misin ke pacl nuh kwewa, ekuh in toeni luhn sucu ke kais sie wik, orekma ke tempuhl, kuhlwcansap ke mwet enenuh, ac kunohkohn in luti.

“Kuh *kowos* moli mwet lowos an ke orekma nuh kwewa elos oruh uh?” mukul sac siyuck.

“We, moh,” siacnyacn sac

ahkuhtweyiac. “Elos sang pacl lalos ke tiac moul.”

“Oacyacpac,” siacnyacn sac tahfwelah, “mahlwem onkohsr nuh kwewa mempucr ke Alu lasr uh sislah pacl lalos ke sie kapihn wik in wi kuh liye toeni luhlahp uh ke oa 10.”

“Ao singucul mwet uh sramsram?” mukul sac motkwacalah.

“Kuh fuhkah toeni ke kais sie wik luhn alu lowos an?” Lusac kac?”

“Ao tolu, Sacnri nuh kwewa!”

“Kuh sel kuhtuh,” mukul sac fahk. “Kuh mempucr ke alu lowos an oruh na pwacye ma kom fahk an?”

“Ma ingacn ac kuhtuh pac. Kuht soenna sruhmuhn ke sramsram mahtuh ke sucu, tuhkweni luhn mwet fuhsr, sramsram ke alu, lutlut ke ma suhmuhslah, ahkpah luhn mwet kol, ma pwacr luhn mwet fuhsr, kuhlahs luhn mwet fuhsr ke lututwacng, karihngihnyacn lohmu Alu, ac ahok oasr masap luhn Leum ke karihngihn mahno, lalo ke mahlwem nuh kwewa in kahsruh mwet suhkahsruh, ac sie tahfuh singucul.”

Mukul sac fahk, “Ingena nga fohsack. Kuh mwet uh kuh kuh in wi kain alu se?”

Siacnyacn sac isracsr srihsrihk ac fahk, “Kuht pahngon kom ac tiac siyuck.”

Kuh Mwet uh Kuh Kuh in Wi Kain Alu Se?

Ke pacl se inge ma alu puhkantwen fin facluh nohfohn puhlakihn suhpucsweni luhn mwet kac, Alu luhn Jisus Kraist luhn Mwet Luhlahlfongi ke Lwen-sahflah—finne srihklac liki alu sahyac—pa sie sin alu fin facluh ma pihsrpihsr in puhsacni emet uh. Ke Septempuh 2013 mempucr ke Alu uh puhs liki miliacn 15 fin facluh nohfohn.

Oasr srihpac puhkantwen ke ma inge, tuh nga kuh in fahk kuhtuh na?

Alu luhn Mwet Lahngo

Ma se met, Alu se inge fohlohkihnyuckyak ke lwen lasr uh sel Jisus Kraist Sifacna. Inge kom fah konwacack wal in orekma ke Innel—pacptais ke ellah luhn ma koluk, sang mwe sang luhn Nguhn Muhtahl, ac in sili fin facluh ac inkuhsrao.¹

Elos suc wi Alu se inge luhngse Mwet Lahngo Jisus Kraist ac elos kena fahsr Tohkohl. Elos engankihn etwacack se ma God El sifilpac sramsram nuh sin mwet uh. Ke elos eis akwuck muhtahl luhn pristut ac orwacalah olwelah yurin God, elos kuh in puhlah kuh Lal ke moul lalos an.² Ke elos utyak nuh in tempuhl muhtahl, elos akikhlen muh elos oasr ye Muhtahl. Ke elos riti ma suhmuhslah muhtahl uh³ ac moulkihn mwe luti luhn mwet

pahluh Lal, elos fototoyang nuh sin Mwet Lahngo suc elos luhngse yohk.

Sie Luhlahlfongi Fokoko

Sie pac srihpac uh pa ke srihpen Alu uh sang pacl wowo in oruh ma wo.

Luhlahlfongi ke God kaksyakhnyuck, tuhsruhktuh inkaiyacn mwet uh ke oruh yohk likina lohacng nuh ke sramsram mokleyuck kuh mwe-mekihn tohkohsrahi lalos lucng.⁴ Elos ahkpahye luhlahlfongi lalos. Elos ke luhmuhnwack poun wes lalos uh ac kihluckyang in wi ke orekma na luhlahp se inge.

Ac pa ingacn ma sikyak ke elos wi kuht uh—oasr pacl wowo pucspuc lalos in ahkpahyelah talan lalos, kuhlwcng lalos, ac pacl lalos nuh ke orekma wowo. Ke srihpen wacngihn mwet orekma ke alu lasr uh moliyuck ke alu lasr fin facluh nohfohn, mempucr lasr uh sifacna oruh orekma luhn kuhlwcansap. Elos pahngonyuck ke pihrihkyuck luhn Nguhn. Kuhtuh pacl uh kuht sifacna eiskuhtyang; kuhtuh pacl uh kuht *pa* “pahngonyuck”. Kuht liye ma kunacsr uh tiac oacna ma toasr uh tuh oacna pacl wowo in ahkfalye olwelah kuht engan in orwacnah in kuhlwcansapuh God ac tuhlihk Nahtuhl.

Mwe Insewowo Sacohklacna

Srihpac se ahktolu ma oruh mwet uh welah Alu uh pa ke srihpen fahsrkihn inkacnek ke ohiyacn mwet tuhma lutlut kol nuh ke mwe insewowo sacohk.

Kuht liye pacptais in oacna muhtwacwacackiyacn fuhfahsryucsr lasr ke ohiyacn mwet tuhma lutlut. Fahsr ke lwen nuh kwewa lasr yurin Jisus Kraist kol nuh ke mihs lac ac srihpac ke moul se inge ac engan yohklacna ac molwelah ma pahtpaht ke facl se fahsruh uh.

Elos suc ukwe inkacnek se inge ke luhlahlfongi kahingkihn ma puhkantwen ke ma sensen, mwe ahsor, ac mwe auli luhn moul uh.

Elos suc suhkahsruh ke nguhn ac suc pwacye ke insiyac konwacack mwe kahsruh yohk ke etwacack inge.

Elos suc kweok kuh ahsor konwacack onwey inge.

Elos suc toasrkihn ma koluk konwacack nuhnak muhnahs, sukohsohk, ac monglac.

Nuh Selos Suc Fahsr Liki

Suk ke ma pwacye uh kol mwet miliacn nuh ke Alu luhn Jisus Kraist luhn Mwet Luhlahlfongi ke Lwen-sahflah. Tuhsruhktuh, oasr kuhtuh mwet suc fahsr liki Alu se ma elos tuh luhngse ah.

Mwet se kuh in siyuck lah, “Fin wosasuc uh arulacna wo na pwacye, efuh mwet uh fahsr liki?”

Kuhtuh pacl uh kuht nuhnkuh ma sikyak ke srihpen elos ngalyak kuh alsracngwesr kuh orekma koluk. Pwacyelah, tiacna ma fihswacs se. Ma na pwacye, tiacna srihpac sefanna pa fal nuh ke kain in ma sikyak puhkantwen uh.

Kuhtuh sin mempucr sacohk lasr uh upac nuh se ke yac puhs ke kihsen siyuck se fin elos enenuh in srwaclosac sifacna liki Alu uh.

Ke Alu se inge suc ahkfuhlwactye yohk ke sukohsohk in sifacna sulac-lah ma tuh fohlohkihnyuckyak sin mukul fuhsr se suc siyuck kihsen siyuck ac suc suk ke top, kuht ahkfuhlwactye elos suc pwacyena in suk ke ma pwacye. Ac kuh in ahkmuhnahsyelah insiyacsr ke fuhfahsryucsr lalos usaclosac liki Alu se kuht luhngse ac ma pwacye ma kuht konwacack, tuh kuht ahkfuhlwactye sukohsohk lalos in kaksakihn God Fuhlwaclacna fal nuh ke ma elos nuhnkuh muh pwacye, oacna ke kuht pahngohn sukohsohk wo se ingacn in ma lasr pac.⁵

Kihsen Siyuck Soenna Toplac

Kuhtuh upackihn kihsen siyuck soenna toplac ke ma suc oreklac tari kuh fwacklac ke pacl somlah ah. Kuht akihlen wo lah apkuhran in sun yac 200 ke sramsram mahtuh luhn Alu uh—wi na tahk tiacna tui ke ma sikyak mokleyuck, ahkfuhlwactyeyuck, ac ahkmuhtahlyeyuck—oasr kuhtuh

ma fwacklac ac oreklac ma kuh in oruh mwet uh in kihsen siyuck.

Kuhtuh pacl uh kihsen siyuck uh tohuyak ke srihpen wacngihna pwacye etwey ac kuht enenuh na in muhtweng kuhtuh srihk. Ke ma pwacye uh nohfohn etweyucklac uh, ma ma tiacna ahkkahlwemyeyuck nuh sesr met ah fah ahksuwohsyeyuck nuh ke luhngse lasr.

Kuhtuh pacl uh oasr ma siena ke nuhnak ke ma kalmeyac pwacye luhn “ma na pwacye” uh. Kihsen siyuck ma orwacnah suhmuhngnguh ke kuhtuh ma uh kuh in, tukun liyeyuck wo uh, muhsahi luhlahlfongi ke mwet sahyac uh.

Tahfonglac luhn Mwet Sesuwohs

Ac, in fahk in arulacna suwohs, oasr pacl ke mempucr kuh mwet kol ke Alu uh pwacyena tahfonglac. Ac tuh sahp oasr ma fwacklac kuh oreklac ma tiacna fal nuh ke luhlahlfongi lasr, ip yohk srihpac lasr, kuh mwe luti lasr.

Nga nuhnkuh muh Alu uh ac suwohswohsna fin ac ahkfahsryeyuck sin mwet suwohswohs. God El suwohswohs, ac mwe luti Lal nwacsnwacs na pwacye. Tuh El orekma kacsr—tuhlihk sesuwohs Nahtuhl—ac mwet sesuwohs orwacnah tahfonglac uh.

Ke sra puk se ke sifacn Puk luhn Mormon kuht riti lah fin oasr ma tahfonglac kac pa ma tahfonglac luhn mwet uh oruh kuht enenuh in tiac ahkkolukye ma luhn God, tuh kuht in kuh in sukokyak nwacsnwacs ke siyah in nuhnkuh luhn Kraist.⁶

Pa inge ohiyacn ma sikyak ah ac ohiyacn ma ac fah sikyak nwe ke lwen suwohswohs sac ke Kraist Sifacna fah kol facluh.

Koluk ohiyac lah kuhtuh tikuc-lkucl ke srihpen tahfonglac luhn mwet. Tuh finne ohinge, ma pwacye ma pahtpaht ke wosasuc fohlohkihnyuckyak sukokyak ke Alu luhn Jisus Kraist luhn Mwet Luhlahlfongi ke Lwen-sahflah tiacna ahkfohkfohkyeyucklac, ahksrihkyeyucklac, kuh kuhnausyucklac.

In oa sie Mwet Sap luhn Leum Jisus Kraist ac sie suc sifacna liye toeni ac orekma ke Alu se inge, nga lohoh ke puhsisac lah wacngihn sulacalah ke ma yohk srihpac oruh Alu se inge kuh mempucr kac uh tuh tiacna suleyucklac sahyacn suk na pwacye ke mokleyuck, kolyuck, ac luhngseyuck luhn Pahpah Ma Pahtpaht tuhmasr. Pa inge Alu luhn Jisus Kraist. God El fah tiac lwelah Alu Lal in forlah liki inkacnek srihsrsrihsri kuh tiac ahkfahsryelah in ahkfalye orekma muhtahl kac uh.

Oasr Acn Nuh Suwos

Nuh selos suc srwacloslac sifacna liki Alu uh, nga fahk, kawuck sacohk luhk, srwackna oasr acn suwos inge.

Fahsruh ac sang talan lowos, mwe sang lowos, ac kuhiyowos nuh ke ma lasr. Kuht nuh kwewa fah ahkwoyeyuck kac.

Kuhtuh kuh in siyuck, “Tuh ke tahfuhluo luhk uh?”

Wona in oasr kihsen siyuck—fihtac srihsrihk ke kihsen siyuck pwacye uh kwacna fahrngwelihk acyohkwaclihik nuh ke sahk na yohk soko ke kahlwem. Oasr kuhtuh na mempucr ke Alu uh suc, ke sie pacl ah, tiac upackihn kihsen siyuck yohk kuh sacohk nuh selos sifacna. Sie srihpac luhn Alu uh pa in tuhfa ac ahkyohkye fihtac ke luhlalfongi—finne ke fohk suhfal luhn suhmuhngnguh ac nuhnak suhfal. Luhlalfongi pa in finsrak ke ma ma tiacna liyeyuck tuh ma pwacye.⁷

Pwacnwacng, tamuhlwel ac tahmtahel sacohk wiyuck—kawuck sacohk luhk—nuhnak muhnahs, ma se met tahfuh luu ke suhmuhngweyac suwos mwet liki kowos tahfuh luu ke luhlalfongi lowos.⁸ Kuht tiacna ke kuhtwena ma lwelah suhmuhngnguh in kaprikuhti in oacna mwet kacpous ac eiskuhtlac liki luhngse, mihs lac, ac mwe sang muhtahl ma tuhkuh ke luhlalfongi ke Leum Jisus Kraist.

Kuhtuh kuh in siyuck, “Nga suhfal nuh suwos mwet ke Alu uh.”

Kowos fin kuh in liye insiyacsr, kowos kuh in sahp konwacack lah

kowos wo likina nuhnkweyac suwos. Kowos kuh in lut in konwacack lah oasr ma kena ac ma upac ac mwe finsrak lasr ma oacna ma lowos an. Moul met lowos kuh kapkapwack lowos an kuh in luhman siena liki ma kowos nuhnkuh ke puhs Mwet Luhlalfongi ke Lwen Sahflah, tuh ma ingacn kuh in oacna sie mwe insewowo. Tamuhlwel ac tahmtahel, mwet kawuck sacohk, kuht enenuh talan ac nuhnak sesahlah lowos an. Sielacna luhn mwet se kuh mwet uh fin facluh nohfohn pa sie mwe ahkuh ke Alu se inge.

Kuhtuh kuh in siyuck, “Nga tiac nuhnkuh muh nga kuh in moulkihn akwuck fal lowos an .”

Srihpac yohkna in tuhkuh! Alu uh oreklac in tuhfa lah mwet sesuwos, tikucukucl, ac tohtolah. Alu uh seseslah ke mwet suc kena ke insiaclos nohfohn in liyacacng masap uh, finne elos soenna wolac na pwacye kac inge.

Kuhtuh kuh in siyuck, “Nga etuh sie mempucr ke Alu lowos an suc ma wosonkaks. Nga tiac kuh in wi sie alu ma oasr kain mwet ma oacna el kac.”

Kom fin ahkuhtweyac mwet wosonkaks in oacna mwet se suc tiac moul suwoswohs nuh ke ma el luhlalfongi uh, na kuht nuh kwewa mwet wosonkaks. Wacngihn sesr apkuhran in oacna Kraist oacna ke kuht etuh muh kuht enenuh. Tuh kuht kena na pwacye in kuhtanglah tahfonglac lasr ac ohiyac se in orekma koluk. Ke insiyacsr ac nguhsnasr kuht suk in wolac liki met ah ke kahsruh luhn Iwacalah luhn Jisus Kraist.

Fin ma inge oacna kena lowos an, na sahyacn ohiyac sikyak lowos an, kuh ohiyac mah ke moul lowos an, kuh kuhiyacn fahkack luhlalfongi lowos an, oasr na acn lowos ke Alu se inge. Fahsruh, wi kuht!

Fahsruh, Wi Kuht!

Sahyacn na ma sesuwoswohs luhn atacsr ke moul kawihl uh, nga luhlalfongi na pwacye lah kowos fah konwacack inmahsr lon mempucr ke Alu se inge puhs sin nguhsna wo

emet ma oasr fin facluh se inge. Alu luhn Jisus Kraist kwacna orwacni mwet kuhlwacng ac inse wowo, mwet pwacye ac mwet tiac alsruhngwacsr ke orekma.

Kom fin nuhnkuh in konwacack mwet suwoswohs inge, kom ac suhpwacrlac. Tuh kom fin suk ke mwe luti suhwos na pwacye luhn Kraist, kaks luhn God ma onwelah nguhsna kineta uh⁹ ac puhla ahkmuhtahlyeyuck luhn Nguhn Muhtahl, na kom ac fah konwacack inge. Ke pacl inge luhn luhlalfongi srihkweni—ke pacl inge ma puhs mwet puhla loessuhlah liki luhngse luhn inkuhsrao—inge kom fah konwacack mwet suc kena etuh ac fototoyang nuh sin Mwet Lahngo lalos ke elos kuhlwacnsapuh God ac mwet wiyaclos, ma oacna kowos. Fahsruh, wi kuht!

Yac Kowos Luhngse Pac Som?

Nga ahkacsmakihnyeyuck ke pacl se in moul luhn Mwet Lahngo ke puhs mwet fahsr luhkwel ah.¹⁰ Jisus El siyuck sin mwet tuhma lutlut singucul luu Lal ah:

“Yac kowos luhngse pac som?”

“Na Simon Peter el topuk, Leum, kuht ac som nuh yurin suc? kaks ma use moul ma pahtpaht oasr yurum.”¹¹

Oasr pacl ma kuht enenuh in topuk kihsen siyuck sepacna. Yac kuht luhngse pac som? Kuh kuht ac fah, oacna Peter, sruokyac in wo kaks ma use moul ma pahtpaht?

Kom fin suk ke ma pwacye, oasr srihpac, ac ke inkacnek se in ekuhlalah luhlalfongi nuh ke orekma; kom fin suk ke acn in luhngseyuck kom: Fahsruh, wi kuht!

Kom fin sislah luhlalfongi se ma kom tuh wi ac: Sifilpac fohlohkuh. Wi kuht!

Fin srihfeyuck kom in fuhlwelah: Muhta in paht kuhtuh. Oasr acn lowos inge.

Nga ngihstre suwos nuh kwewa suc lohng kuh riti kaks inge: Fahsruh, wi kuht. Fahsruh ukwe pahng luhn Kraist kuhlwacnglacna se. Sruhkwick sahseng lowos an ac fahsr Tokohl.¹²

Fahsruh, wi kuht! Tuh inge kowos

fah konwacack ma se ma sacohk likina molo se.

Nga fahkwack lah inge kowos fah konwacack kahs ma use moul ma pahtpaht, olwelah se ke molwelah insewowoyeyuck, ac inkacnek nuh ke mihs lac ac engan.

Nga pruhe ke oaru tuh sukok ke ma pwacye lowos sifacna an fah moklweack insiyowos kena se in fahsruh ac wi kuht. Ke ine muhtahl luhn Jisus Kraist, amen.

MWE KAHSRUH

1. Liye Mattu 16:18–19; Helaman 10:7.
2. Liye Doctrine and Covenants 84:20.
3. Liye 2 Nephi 33:10.
4. Liye “Have I Done Any Good?” *On*, nacmpuh 223.
5. Liye Ip Yohk ke Luhlahlfongi 1:11.
6. Sra puk sifac ke Puk luhn Mormon; liye Mormon 8:17.
7. Liye Hibu 11:1; Alma 32:21.
8. Liye F. F. Bosworth, *Christ the Healer* (1924), 23.
9. Liye Jacob 2:8.
10. Liye John 6:66.
11. Liye John 6:67–68.
12. Liye Mattu 16:24.

© 2013 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/13. Ahkkweyeyucklac ke lweng: 6/13. Lwenglah luhn *Visiting Teaching Message, November 2013*. Kosraean. 10671 868